

## □ 荷花池

### ● 诗词书画选登

#### 踏莎行

### 贺清华108年校庆

○张刃（1985级力学）

香絮悠扬，新荷窈窕，澄溪瑞雾  
笼新草。百年水木益清华，荆花长恋芳枝  
晓。

冠盖纵横，群英拱绕，自强厚德成  
吾校。风来浪涌更从容，漫漫修远原天  
道。

### 西江月·中秋寄语

○张刃（1985级力学）

柳影风摇黄叶，枫林霜染红花。冰轮  
重满映天涯，最惜年年今夜。

可梦溪流芦雪，蕙心尽染清华。几时  
携手共归家，浅醉荷塘月下。

### 五律·己亥夏会老同学

○杨超鸿（1990级材料）

又是星城夏，知音未肯删。  
风荷迎客澹，云树向君闲。  
浊世无多路，良宵有醉颜。  
举头天阙近，送月到人间。

### 七律·夏日荷塘

○张强（1988级电机）

断续蝉鸣莲叶香，风来盛夏也清凉。  
惯经碧柳荷塘路，曾有幽人明月章。  
往事回思增怅惘，当时只道是寻常。  
而今万里烟波外，忆取钟声入梦长。

### 七律·江山代有才人出

○朱蕤（1989级物理）

秋风九月送新凉，学子八方来讲堂。  
稚脸犹含羞涩笑，清眸已耀慧明光。  
质疑何惧真名士，提议自成新闾章。  
满座凤鸣声悦耳，先生喜见后生强。

### 吊西南联大旧址 同宋家宏教授

○徐晋如（1994级中文）

绝徼移楨想昔时，  
机鸣炮击尚弦诗。  
清笳不荡天心月，  
奇字难磨汶上碑。  
是处春风同一醉，  
廿年幽意拜应迟。  
却逢麟获兰伤日，  
苦向丛阴听子规。